

“Službene novine Bosansko-podrinjskog kantona Goražde” broj 9/12

Na osnovu člana 11. Zakona o kantonalnim ministarstvima i drugim tijelima kantonalne uprave („Službene novine Bosansko-podrinjskog kantona Goražde“, broj 05/03), člana 90 stav 5. Zakona o srednjem obrazovanju i odgoju („Službene novine Bosansko-podrinjskog kantona Goražde“, broj 10/11), Ministarstvo za obrazovanje, nauku, kulturu i sport Bosansko-podrinjskog kantona Goražde, d o n o s i:

**PRAVILNIK
O IZBORU UČENIKA GENERACIJE SREDNJIH ŠKOLA**

I. OPĆE ODREDBE

Član 1.

Ovim Pravilnikom propisuje se način izbora učenika generacije završnih razreda srednjih škola u Bosansko-podrinjskom kantonu Goražde.

Član 2.

Učenicom generacije može postati onaj kandidat koji ispunjava sljedeće uslove:

1. da je u toku školovanja imao odličan uspjeh u svim razredima;
2. da je u toku školovanja imao primjerno vladanje u svim razredima;
3. da se u toku školovanja isticao u radu sekcija slobodnih aktivnosti.

Srednje škole koje obrazuju učenike u okviru trećeg i četvrtog stepena stručne spreme biraju posebno učenika generacije za svaki stepen stručne spreme.

Član 3.

Prilikom vrednovanja za izbor učenika generacije u obzir se uzimaju rezultati u radu registrovanih sekcija u školi, takmičenja u znanju i stvaralaštvu iz pojedinih predmeta i osvajanja nagrada na pojedinim takmičenjima, zatim učešće i osvajanje nagrada na raznim konkursima likovnog, muzičkog, jezičkog i tehničkog stvaralaštva te raznim sportskim aktivnostima provedenim u organizaciji matične škole, Pedagoškog zavoda, Ministarstva za obrazovanje, nauku, kulturu i sport, Federalnog ministarstva obrazovanja i nauke, te evropskih i svjetskih asocijacija koje se bave pitanjem odgoja i obrazovanja.

S ciljem jednoobraznog pristupa, Pedagoški zavod će svim srednjim školama blagovremeno, a najkasnije do 15. aprila tekuće školske godine, dostaviti ažuriran spisak takmičenja koja će se u skladu sa stavom 1. vrednovati u toj školskoj godini.

U slučaju da se na spisku iz stava 2. ne nalazi neko takmičenje koje se po mišljenju škole, učenika, roditelja i drugih treba vrednovati, konačan sud po zahtjevu o tom takmičenju donosi Pedagoški zavod kome se i upućuje eventualni zahtjev.

Član 4.

Elementi koji se vrednuju pri rangiranju kandidata za Učenika generacije su:

ELEMENTI	Maksimalan broj bodova za učenike IV stepena	Maksimalan broj bodova za učenike III stepena
1. Uspjeh u učenju tokom školovanja	100	99,90
2. Aktivnosti i doprinos u radu sekcija škole	40	39,96
3. Uspjeh na takmičenjima u znanju iz pojedinih predmeta	96	96,00
4. Uspjeh na konkursima, revijama, smotrama, izložbama i sl.	84	84,00
5. Uspjeh u sportu	50	50,00
6. Rukovođenje odjeljenskom zajednicom	6	6,00
7. Mišljenje nastavnčkog vijeća škole	20	20,00
UKUPNO	396	395,86

Član 5.

Pravo da bude izabran ima svaki kandidat, učenik završnog razreda koji ispunjava uslove iz članova 2. i 3. ovih Kriterija, prijavljivanjem na oglas koji raspisuje matična škola.

II. NAČIN VREDNOVANJA AKTIVNOSTI

Član 6.

Aktivnosti iz članova 2., 3. i 4. ovih Kriterija vrednuju se na sljedeći način:

1. Za kandidate koji se obrazuju u okviru IV stepena stručne spreme, suma prosječnih ocjena (zaokruženih na dvije decimale) na kraju svake školske, odnosno nastavne godine za završni razred pomnožena sa koeficijentom 5.

Za kandidate koji se obrazuju u okviru III stepena stručne spreme, suma prosječnih ocjena (zaokruženih na dvije decimale) na kraju svake školske, odnosno nastavne godine za završni razred pomnožena sa koeficijentom 6,66.

Napomena: Ukoliko je kandidat za učenika generacije neki od razreda završio u inostranstvu i nema izvedenu ocjenu opšteg uspjeha ili nema pojedinačnih ocjena za nastavne predmete u nekom od tih razreda, onda se umjesto prosječne ocjene uspjeha u tim razredima uzima prosječna ocjena izvedena za sve razrede u kojima su definisane te ocjene, odnosno u kojima je moguće izvesti prosječnu ocjenu opšteg uspjeha zaokruženu na dvije decimale.

2. Za kandidate koji se obrazuju u okviru IV stepena stručne spreme za svaku godinu rada u sekcijama slobodnih aktivnosti, na osnovu vođene evidencije, kandidat po sekciji u

svakom razredu dobija 2 boda, a boduju se sve sekcije u kojima je učenik bio aktivni član.

Za kandidate koji se obrazuju u okviru III stepena stručne spreme za svaku godinu rada u sekcijama slobodnih aktivnosti, na osnovu vođene evidencije, kandidat po sekciji u svakom razredu dobija 6,66 bodova, pri čemu se boduju maksimalno dvije sekcije po razredu.

3. Za učešće i osvojeno mjesto na školskom, opštinskom, kantonalnom, federalnom, državnom takmičenju, školskoj olimpijadi, evropskom i svjetskom takmičenju u znanju iz pojedinih predmeta kandidat može dobiti sljedeći broj bodova:

	<i>Nivo takmičenja</i>	<i>Broj bodova</i>			<i>Učešće</i>
		<i>I mjesto</i>	<i>II mjesto</i>	<i>III mjesto</i>	
A	Školsko takmičenje	3	2	1	0,5
B	Opštinsko takmičenje	4	3	2	1
C	Kantonalno takmičenje	5	4	3	2
D	Federalno takmičenje	6	5	4	3
E	Državno takmičenje	7	6	5	4
F	Olimpijade znanja, evropska i svjetska takmičenja	9	8	7	6

Ukoliko se održava samo ekipno takmičenje, kandidatu koji je bio član te ekipe pripada 30% bodova od bodova predviđenih za pojedinačni plasman.

Maksimalan broj bodova koji se može dodijeliti kandidatu po ovom osnovu je 96.

4. Za osvojeno mjesto na konkursima likovnog, jezičkog, dramskog, recitatorskog, literarnog i tehničkog stvaralaštva - revije, izložbe, smotre i slične manifestacije:

	<i>Nivo takmičenja</i>	<i>Broj bodova</i>			<i>Učešće</i>
		<i>I mjesto</i>	<i>II mjesto</i>	<i>III mjesto</i>	
A	Školsko takmičenje	3	2	1	0,5
B	Opštinsko takmičenje	4	3	2	1
C	Kantonalno takmičenje	5	4	3	2
D	Federalno takmičenje	6	5	4	3
E	Državno takmičenje	7	6	5	4
F	Olimpijade znanja, evropska i svjetska takmičenja	9	8	7	6

Ukoliko se održava samo ekipno takmičenje, kandidatu koji je bio član te ekipe pripada 20% bodova od bodova predviđenih za pojedinačni plasman.

Napomena: Kod tehničkog stvaralaštva se boduje jedno priznanje i to ono koje nosi više bodova na smotri.

Maksimalan broj bodova koji se može dodijeliti kandidatu po ovom osnovu je 84.

5. Za uspjeh u sportskim takmičenjima:

<i>Nivo takmičenja</i>	<i>Broj bodova</i>			<i>Učešće</i>
	<i>I mjesto</i>	<i>II mjesto</i>	<i>III mjesto</i>	
A Školsko takmičenje	3	2	1	0,5
B Opštinsko takmičenje	4	3	2	1
C Kantonalno takmičenje	5	4	3	2
D Federalno takmičenje	6	5	4	3
E Državno takmičenje	7	6	5	4
F Olimpijade znanja, evropska i svjetska takmičenja	9	8	7	6

Ako je kandidat za učenika generacije ostvario sportski uspjeh ekipno, po osnovu tih rezultata pripada mu 50% od broja bodova utvrđenih za odgovarajući nivo takmičenja u prethodnoj tabeli.

Maksimalan broj bodova koji se može dodijeliti kandidatu po ovom osnovu je 50.

6. Za kandidate koji se obrazuju u okviru IV stepena stručne spreme za svaku godinu rukovođenja odjeljenskom zajednicom kandidatu pripada po 1,5 bod.

Za kandidate koji se obrazuju u okviru III stepena stručne spreme za svaku godinu rukovođenja odjeljenskom zajednicom kandidatu pripadaju po 2 boda.

7. Nastavničko vijeće tajnim glasanjem kandidatima za učenika generacije dodjeljuje broj bodova po osnovu formule $A/B \times 20$; pri čemu je

A - broj glasova koji je učenik dobio

B - ukupan broj članova nastavničkog vijeća koji su učestvovali u glasanju.

III. IZBOR UČENIKA GENERACIJE

Član 7.

Praćenje, prikupljanje prijedloga i sumiranje rezultata u školi vrši komisija za izbor učenika generacije.

Komisiju iz prethodnog stava imenuje nastavničko vijeće škole.

Član 8.

Komisiju čini pet članova: pedagog-psiholog škole, koji je ujedno i predsjednik komisije, dva nastavnika, predstavnik roditelja koga predlaže savjet roditelja i jedan učenik koga predloži vijeće učenika škole.

Za člana komisije ne mogu biti birani odjeljske starješine završnih razreda, roditelji čije je dijete kandidat za učenika generacije i učenici završnih razreda.

Član 9.

Po prikupljanju podataka i provjeri istih, pristupa se bodovanju. Na osnovu broja bodova komisija sastavlja rang-listu i oglašava je.

Ukoliko dva ili više kandidata imaju jednak broj bodova, prednost ima učenik koji ima veći broj bodova za uspjeh u učenju. Ukoliko i po ovom osnovu učenici imaju jednak broj bodova, prednost ima onaj učenik koji ima veći broj bodova po osnovu uspjeha na konkursima, revijama, smotrama i slično. Ukoliko i po ovom osnovu dva ili više učenika imaju jednak broj bodova, prednost ima onaj učenik koji ima veći broj bodova po osnovu uspjeha u sportu. Ukoliko i po ovom osnovu dva ili više učenika imaju jednak broj bodova, prednost ima onaj učenik koji ima veći broj bodova na osnovu ocjene nastavnčkog vijeća.

Član 10.

Komisija o svom radu vodi zapisnik i dostavlja ga vijeću učenika na razmatranje.

Član 11.

Nastavničko vijeće škole razmatra prijedlog komisije i eventualne primjedbe vijeća učenika i kandidata za učenika generacije i donosi odluku o izboru učenika generacije škole.

Član 12.

Prigovor ili žalba na odluku nastavnčkog vijeća podnosi se školskom odboru škole u roku od tri dana nakon proglašenja učenika generacije.

Odluka školskog odbora je konačna.

Član 13.

Rok za proglašenje učenika generacije je 15 dana od završetka nastavne godine.

Član 14.

Škole su dužne da Ministarstvu za obrazovanje, nauku, kulturu i sport do 10. juna dostave odluku o proglašenju učenika generacije, biografiju i fotografiju učenika generacije.

Proglašenje učenika generacije odgojno-obrazovnih ustanova Bosansko-podrinjskog kantona Goražde vrši se do kraja juna tekuće godine.

Pokrovitelj centralne manifestacije je Ministarstvo za obrazovanje, nauku, kulturu i sport, a organizator Pedagoški zavod Bosansko-podrinjskog kantona Goražde.

Član 15.

Učenik generacije se proglašava javno.

Član 16.

Učenik generacije dobija posebnu diplomu «Učenik generacije» koja je sastavni dio ovog Pravilnika.

U skladu sa materijalnim mogućnostima Ministarstva, opštine, škole i drugih zainteresovanih, učenicima generacije se mogu dodijeliti novčane nagrade i odgovarajući pokloni.

IV. PRELAZNE I ZAVRŠNE ODREDBE

Član 18.

Ovaj Pravilnik stupa na snagu danom donošenja, a biće objavljen u „Službenim novinama Bosansko-podrinjskog kantona Goražde“.

Član 19.

Stupanjem na snagu ovog Pravilnika prestaje da važi Pravilnik o izboru učenika generacije srednjih škola (Službene novine Bosansko-podrinjskog kantona Goražde broj:7/06)

Broj: 10-38-1670/12
16.05.2012.godine
G o r a ž d e

MINISTRICA

Alma Delizaimović, mr.sci

